

名醫方論

地

方目

黃連解毒湯

三黃湯

二黃湯

三黃石膏湯

涼膈散

竹葉黃耆湯

清胃散

導赤散

五淋散

八正散

逍遙散

龍胆瀉肝湯

左金丸

瀉青丸

當歸龍薈丸

越婢加半夏湯

小青龍加石膏湯

清燥救肺湯

麥門冬湯

人參清肺湯

人參定喘湯

人參瀉肺湯

瀉白散

阿膠散

二陳湯

溫胆湯

小半夏湯

小半夏加茯苓湯

外臺茯苓飲

礞石滾痰丸

指迷茯苓丸

金匱枳朮丸

桂苓甘朮湯

疏鑿飲子

葶藶大棗瀉肺湯

蘇葶定喘丸

舟車神祐丸

寔脾飲

清脾飲

芍藥湯

溫脾湯

大黃附子湯

越鞠湯丸

四磨飲

備急丸

磁硃丸

石斛夜光丸

洗刀散

失笑散

獨聖散

大黃蟄虫丸

仙方活命飲

託裏消毒散

桂枝湯

麻黃湯

大青龍湯

小青龍湯

葛根湯

桂枝各半湯
麻黃各半湯

桂枝二麻黃一湯

桂枝二越婢一湯

越婢湯

麻杏甘石膏湯

麻黃附子細辛湯

桂枝加附子湯

芍藥甘草附子湯

桂枝甘草湯

桂枝加大黃湯
芍藥湯

小建中湯

炙甘草湯

桂枝人參湯

葛根黃芩黃連湯

白虎湯

白虎加人參湯

刪補名醫方論

黃連解毒湯 治一切陽熱火盛面赤口乾狂躁心煩錯語不眠大熱乾

嘔吐血衄血及下後而便不寔熱仍不已者 黃連 梔子 黃柏

黃芩 水煎服 汪昂曰寒極曰陰毒熱極曰陽毒是方名曰黃連解

毒是君以黃連直解心經火毒黃芩瀉肺經火毒黃柏瀉腎經火毒梔

子通滯三焦火毒使諸火毒從膀胱出若大便秘者加大黃名梔子金

花湯利大便是使火毒從大小二便而出也蓋陽盛則陰衰火盛則水

衰故用大苦大寒之藥抑陽而扶陰瀉其亢甚之火而救其欲絕之水

也然非寔熱不可輕投按黃連解毒湯白虎湯三黃石膏湯大青龍湯

皆治表裡俱熱症然大青龍湯治表寔壯熱裡熱之淺在肌三黃石膏

湯治表寒壯熱。裏熱之深在胃。故一以石膏佐麻豉。一以石膏佐麻桂。均發太陽之表。解陽明之裏也。大青龍湯則更以杏草姜枣佐麻黃。其意專發熱鬱之在肌也。三黃石膏湯則更以芩連梔柏佐石膏。其意專瀉熱深之在胃也。白虎湯治表熱在肌。裏熱在胃。所以不用麻桂以發太陽。專主石膏而清陽明也。解毒湯治表熱在三陽。裏熱在三焦。所以亦不以麻桂發太陽表。又不以石膏清陽明裡。而專以三黃瀉上下內外之實火也。此皆太陽之邪侵及陽明。而未入府成實者也。若已入府成實。則又當從事於三承氣湯。以下其熱也。

三黃湯

治三焦實熱。一物有餘火症。大便秘結者。

黃芩

大黃等分

黃連

水煎服

二黃湯 治上焦火旺頭面大腫目赤腫痛心胸咽喉口舌耳鼻熱盛及

生瘡毒者 黃芩 黃連 甘草 各等分 水煎食後服 三黃湯用

黃芩瀉上焦火黃連瀉中焦火大黃瀉下焦火三焦寔火大便秘者誠
為允當若大便不寔者黃連解毒湯症也以大黃易黃柏者因其下焦
熱結未寔也加梔子者使其熱不從大便出而從小便出也上中二焦
寔火用涼膈散若夫上焦寔火則以此湯之大黃易甘草名二黃湯使
芩連之性緩而下留連膈上張潔古以涼膈散減硝黃加桔梗亦此
義也雖同一瀉火之劑而其上中下緩急輕重之不同此皆加減轉換
法也不可不知

三黃石膏湯 治傷寒陽症表裡大熱而不得汗或已經汗下過經不解

二黃湯 三黃石膏湯

六脉洪數面赤鼻乾舌燥大渴煩躁不眠譫語鼻衄發黃發疹發斑以
上諸症凡表實無汗而未入裏成實者均宜主之 石膏兩半 黃芩

黃連 黃柏 麻黃七 淡豆豉二合 梔子三十 每服一兩加葱三根

水煎熱服氣實者倍服 仲景於表裡大熱立兩解之法如大青龍湯
表裡大熱表實無汗故發汗二出而兩得解也白虎湯治表裡大熱因

表有汗不主麻桂因裡未實不主硝黃惟以膏知甘草外解陽明之肌

熱內清陽明之府熱表裡清而兩得解也若無表實無汗熱鬱榮衛裡

未成實熱感三焦表裡大熱之症若以大青龍湯兩解之則功不及於

三焦若以白虎湯兩解之則效不及於榮衛故陶華製此湯以三黃瀉

三焦之火盛佐梔子屈曲下行使其在裡諸熱從下而出以麻黃開榮

衛之熱鬱。佐豉葱直走皮毛。使其在表之邪。從外而散。石膏倍用。重任之者。以石膏外合麻豉。取法乎青龍。是知解諸表之熱。不能外乎青龍也。內合三黃。取法乎白虎。是知解諸裡之熱。不能外乎白虎也。且麻豉得石膏三黃。大發表熱而不動裡熱。三黃得石膏麻豉。大清內熱而不礙外邪。是此方表裡俱熱之長。六得仲景之心法者也。若表有微汗。麻黃減半。桂枝倍加。以防外疎。裡有微澹。則減去石膏。倍加葛根。以避中虛也。

涼膈散 治心火上盛中焦燥寔煩躁口渴目赤頭眩口瘡唇裂吐血衄

血大小便秘諸風癰癰胃熱發斑發狂及小兒驚急痘瘡黑陷 連翹

四兩

大黃酒浸

黃芩酒炒

薄荷一兩

甘草二兩

梔子炒 芒硝

右為末每服三錢加竹葉生蜜煎 汪昂曰此上中二焦瀉寔火藥也。熱淫於內治以鹹寒佐以苦甘故以連翹黃芩竹葉薄荷散火於上而以大黃芒硝之猛利蕩熱於中使上升下行而膈自清矣用甘草生蜜者病在膈甘以緩之也古方用涼膈散居多本方加菖蒲遠志名轉舌膏治心經蘊熱加青黛藍根名活命金丹治肝經風熱張潔古減去硝黃加桔梗為之舟楫浮而上行治上焦諸熱便不寔者宜之不可以是方過瀉而輕訾之也。

竹葉黃耆湯 治消渴氣血虛胃火盛而作渴 淡竹葉 生地黃 各二

黃耆 麥冬 當歸 川芎 黃芩 甘草 芍藥 人參 半夏

石膏 各半 右水煎服 柯琴曰氣血皆虛胃火獨盛善治者補瀉兼施。

寒之而不至損陽。溫之而不至助火。扶正而邪却矣。四君子氣藥也。加黃耆而去苓朮者。恐火就燥也。四物湯血藥也。倍地黃而用生者。正取其寒也。人參黃芪甘草。治煩熱之聖藥。是補中有滲矣。且地黃之甘寒。滲心腎之火。竹葉助芍藥清肝胆之火。石膏佐芍藥清脾胃之火。麥冬同黃芩清肺腸之火。則胃火不得独盛。而氣血之得補可知。惟半夏一味。溫中辛散。用之大寒劑中。欲其通陰陽之路也。歧伯治陰虛而目不瞑者。飲以半夏湯。覆杯則臥。今人以為燥而渴者禁用。是不明陰陽之理耳。按是方即竹葉石膏湯。加生地當歸白芍川芎黃耆黃芩也。彼則治傷寒解後煩渴少氣。逆欲吐。此則治消渴氣血虛胃火盛。因其氣虛。故加黃耆佐人參甘草以補氣。因其血虛。故加歸芍芍地以補血。因

其胃火盛。故加黃芩佐石膏以清胃火。其煩渴則一。故餘藥皆同也。於此二方推之。用半夏之意自可知矣。故脾者為胃行其津液也。脾燥胃濕。燥津液不行。得火則化痰。得寒則成飲。胃火清。脾濕燥。其痰飲自除矣。半夏消痰破飲。使未化痰之津液回清。而已成痰之濁液自化。非他藥所可比倫也。故二方於胃火盛燥渴中同用之。

清胃散

治胃經濕熱齒齲腫痛或牽引頭腦或面發熱 升麻 甘草

生地 川連

丹皮

當歸

水煎服

羅謙輔曰。陽明胃多氣多血。

又兩陽合病。明為熱盛。是以邪入而為病。常寔。若大渴舌胎煩躁。此傷氣分。熱聚胃府。燥其津液。白虎湯主之。若醇飲肥厚。炙博過用。以致濕熱壅於胃府。逆於經絡。而為是病。此傷血分。治宜清胃。方中以生地益

陰涼血為君。佐之以丹皮。去蒸而疏其滯。以黃連清熱燥濕為臣。佐之以當歸入血而循其經。仍用升麻之辛涼。為本經提使。引諸藥直達血所。則咽喉不清。齒齦腫痛等症。廓然俱清矣。

導赤散

治心熱口糜舌瘡小便黃赤莖中作痛熱淋不利 生地黃

木通

甘草梢 石三味水煎服 赤色屬心導赤者導心經之熱從

小便而出以心與小腸為表裡也。然所見口糜舌瘡小便黃赤莖中作

痛熱淋不利等症皆心熱移於小腸之症。故不用黃連直瀉其心而用

生地滋腎涼心木通利小腸佐以甘草梢取易瀉最下之熱莖中之

痛可除心經之熱可導也。此則水虛火不寔者宜之以利水而不傷陰

瀉火而不伐胃也。若心經寔熱須加黃連竹葉甚者更加大黃六釜底

導赤散

五淋散

八正散

五

抽筋之法也。

五淋散 治膀胱結熱水道不通淋澀熱痛或尿如豆汁或成砂石或如

膏膿或小便血 赤苓 芍 赤芍 梔子仁 當歸 甘草 各三

右五味加燈心水煎服

八正散 瞿麥 梔子 萹蓄 大黃 木通 滑石 車前子 甘草

石各一錢加燈心一錢水煎服 朱震亨方加木香一錢 通調水道

下輸膀胱三焦之職也受藏津液氣化能出膀胱之職也若水道不輸

則內蓄喘脹外泛膏腫三焦之病也若受藏不化則諸淋澀痛癃閉不

通膀胱之病也經曰陰無陽無以生陽無陰無以化故陰陽偏盛皆不

生化也陽盛陰虛而膀胱之氣不化為病者通閏丸症也陰盛陽虛而

膀胱之氣不化為病者。腎氣丸症也。此閏氣化陰陽之為病也。經曰。下
虛則遺尿。又曰。膀胱不約為遺尿。經曰。胞移熱於膀胱則癰。又曰。膀胱
不利為癰。故震而寒者。藏而不能約。寒而熱者。約而不能出也。膀胱氣
震。無氣以固。則藏而不約。不禁遺失之病生。補中固真湯症也。膀胱氣
熱。壅結不行。則約而不出。淋澀癰閉之病生。八正五淋散症也。此不全
閏乎氣化。而又閏乎震寒寒熱之為病也。八正五淋皆治淋澀癰閉之
病。而不無輕重之別。輕者有熱未結。雖見淋澀尿赤。豆汁砂石。膏血癰
閉之症。但其痛則輕。其病不急。宜用五淋散。單清水道。故以梔苓清熱
而輸水。歸芍益陰而化陽。復佐以甘草調其陰陽。而用梢者。意在前陰
也。重者熱已結。寒不但痛甚。勢急而且大便六不通矣。宜用八正散。兼

瀉二陰。故於群走前陰藥中。加大黃直攻後竅也。丹溪方加木香。其意
亦以氣化者歟。

逍遙散

治肝家血虛火旺頭痛目眩耳鳴口苦倦怠煩渴抑鬱不樂兩

脇作痛寒熱往來小腹重墜婦人經水不調脉弦大而虛 芍藥酒炒

當歸

白朮炒

茯苓

炙草

柴胡各半

引用煨姜三片薄荷少許

煎服加味逍遙散即此方加丹皮山梔

炒各半

趙羽皇曰五藏苦欲補

瀉云肝苦急急食甘以緩之蓋肝性急善怒其氣上行則順下行則鬱

鬱則火動而諸病生矣故發於上則頭眩耳鳴而或為目赤發於中則

胸滿脇痛而或作吞酸發於下則少腹疼痛而或溲溺不利發於外則

寒熱往來似瘧非瘧凡此諸症何莫非肝鬱之象乎而肝木之所以鬱

其說有二。一為土震不能升木也。一為血少不能養肝也。蓋木為木氣。全賴土以滋培。水以灌溉。若中土震則木不升而鬱。陰血少則肝不滋而枯。方用白朮茯苓者。助土德以升木也。當歸芍藥者。益榮血以養肝也。芍藥解熱。甘草和中。獨柴胡一味。一以為厥陰之報使。一則升發諸陽。經云木鬱則達之。遂其曲直之性。故名曰逍遙。若內熱外熱盛者。加丹皮鮮肌熱。炒梔清內熱。此加味道逍遙散之義也。

龍膽瀉肝湯 治脇痛口苦耳聾耳腫筋痿陰濕熱瘡陰腫白濁溲血

龍胆草 酒炒 黃芩 炒 梔子 酒炒 澤瀉 木通 車前子 柴胡

當歸 酒洗 甘草 生地 酒炒 水煎服 脇痛口苦耳聾耳腫乃胆

經之為病也。筋痿陰濕熱瘡陰腫白濁溲血乃肝經之為病也。故用龍
龍胆瀉肝湯